

Mesej Tiga

Yesus—Nama Raja Penyelamat yang Diberikan Tuhan dan Imanuel—Nama Raja Penyelamat yang Dipanggil Orang

Bacaan Bible: Mat. 1:21, 23; 18:20; 28:20

- I. “Dia akan melahirkan seorang anak lelaki, dan hendaklah kamu memanggil nama-Nya Yesus, kerana Dialah yang akan menyelamatkan umat-Nya daripada dosa-dosa mereka”—Mat. 1:21:**
- A. *Yesus* ialah nama Yunani yang sama dengan nama Ibrani *Yosua* yang bermakna “Yehova Penyelamat”, atau “penyelamatan Yehova”; Yesus ialah Yehova yang menjadi Penyelamat dan penyelamatan kita—Roma 10:12-13; 5:10; bd. Flp. 1:19.
- B. Nama Yesus merangkumi nama Yehova yang bermakna “Akulah Aku Adalah”, menunjukkan bahawa Yehova ialah Dia yang abadi yang swawujud dan kekal-wujud, yakni Dia yang ada dahulu, Dia yang ada sekarang, dan Dia yang ada pada masa akan datang buat selama-lamanya—Kel. 3:14; Wahi 1:4:
1. Yehova ialah Satu-satunya yang adalah dan tidak bergantung pada apa-apa selain diri-Nya; kita harus melatih roh iktikad kita untuk percaya bahawa “Dia adalah” dan kita “bukan”; Dia ialah Yang satu-satunya, Yang unik itu, dalam segala sesuatu, dan kita bukan apa-apa—Ibr. 11:6.
 2. Sebagai Aku adalah, Dia ialah Yang almuhit, iaitu realiti bagi setiap hal positif dan segala yang diperlukan umat-Nya—Yoh. 6:35; 8:12; 10:14; 11:25; 14:6.
 3. Kita boleh mengatakan bahawa kita percayawan mempunyai sekeping cek yang bertandatangan dengan ruang jumlah yang dibiarkan kosong, dan kita boleh mengisi apa jua yang kita perlukan; apa jua yang kita perlukan Yesus adalah; Dialah cahaya, hayat, kudrat, kearifan, kekudusan, atau keadilbenaran; segala-gala yang kita perlukan didapati dalam nama Yesus.
- C. Yesus ialah Yosua kita, yakni Dia yang membawa kita masuk ke dalam rehat; rehat itu ialah diri-Nya sebagai tanah permai kita—Ibr. 4:8; Mat. 11:28-29.
- D. Nama Tuan, persona-Nya, ialah Roh almuhit yang majmuk—Kid. 1:3; Kel. 30:23-30; Flp. 1:19.
- E. Nama Yesus mengatasi setiap nama—2:9-10:
1. Nama Yesus adalah untuk kita percaya ke dalamnya—Yoh. 1:12.
 2. Nama Yesus adalah untuk kita dibaptis ke dalamnya—Kis. 8:16; 19:5.
 3. Nama Yesus membolehkan kita diselamatkan—4:12.
 4. Nama Yesus membolehkan kita disembuhkan—3:6; 4:10.
 5. Nama Yesus membolehkan kita dibasuh, dikuduskan, dan dijustifikasikan—1 Kor. 6:11.
 6. Nama Yesus adalah untuk kita seru—Roma 10:13; 1 Kor. 1:2; Kis. 9:14; Kej. 4:26.
 7. Roh itu ialah udara syurgawi untuk kita hirup; apabila kita melatih roh dengan menyeru nama Tuan, kita menghirup Roh itu dan dengan itu menerima Roh itu—Yoh. 20:22; Gal. 3:2; 1 Tes. 5:17; Rat. 3:55-56; *Kidung*, #210.
- F. Tujuan menyeru nama Tuan adalah untuk:
1. Diselamatkan—Roma 10:13.
 2. Dibebaskan daripada kesesakan, kesusahan, kedukaan, dan keperitan—Mzm. 18:6; 118:5; 86:7; 50:15; 81:7; 116:3-4.
 3. Berbahagian dalam keihisan kasih Tuan, rahmat-Nya—86:5.
 4. Berbahagian dalam penyelamatan Tuan—116:2, 4, 13, 17.
 5. Menerima Roh itu—Kis. 2:17, 21.
 6. Minum minuman rohani dan makan makanan rohani agar dipuaskan—Yes. 55:1-2, 6.

7. Menikmati kekayaan Tuan—Roma 10:12; 1 Kor. 12:3b; Ul. 4:7; Mzm. 145:18.
 8. Membangkitkan diri kita—Yes. 64:7.
 9. Nama Yesus adalah untuk kita berdoa dalamnya—Yoh. 14:13-14; 15:16; 16:24.
 10. Nama Yesus adalah untuk kita dihimpunkan ke dalamnya—Mat. 18:20.
 11. Nama Yesus adalah untuk kita mengusir demon—Kis. 16:18.
 12. Nama Yesus adalah untuk kita berbicara dengan berani dalamnya—9:27.
- G. Syaitan benci akan nama Yesus:
1. Syaitan mempergunakan manusia untuk menyerang nama Yesus—bd. 26:9.
 2. Orang agamawi menyerang nama Yesus, melarang percayawan memberitakan injil atau mengajar dalam nama itu—4:17-18; 5:40.
 3. Ketika para dutus ditindas, mereka bergirang kerana mereka dikira layak dihina bagi pihak nama Yesus—ay. 41; 15:26.
- H. Tuan Yesus memuji para pejayeng di Filadelfia kerana mereka tidak menyangkal nama-Nya—Wahi 3:8:
1. Gereja yang dipulihkan telah meninggalkan semua nama lain selain nama Tuan Yesus Kristus, dan menjadi kepunyaan Tuan sepenuhnya.
 2. Menamakan gereja dengan mengambil nama lain selain nama Tuan merupakan pekendakan rohani; gereja, yang merupakan perawan suci yang telah ditunangkan kepada Kristus (2 Kor. 11:2), tidak harus mempunyai nama lain selain nama Suaminya.

II. “Lihatlah, seorang perawan akan mengandung dan melahirkan anak lelaki, dan orang akan memanggil nama-Nya Imanuel’ (yang diterjemahkan sebagai Tuhan bersama dengan kita)”—Mat. 1:23:

- A. Yesus ialah nama Raja-Penyelamat yang diberikan Tuhan, manakala Imanuel ialah nama Raja-Penyelamat yang dipanggil orang—ay. 23.
- B. Matius ialah buku tentang Imanuel—Tuhan berinkarnasi untuk bersama dengan kita—ay. 21-23.
- C. Imanuel adalah almuhit—Flp. 1:19:
1. Mula-mula Dia ialah Penyelamat kita (Luk. 2:11), kemudian Penebus kita (Yoh. 1:29; Roma 3:24), seterusnya Pemberi-hayat (1 Kor. 15:45b), dan kemudian Roh almuhit yang huni secara dalaman (Yoh. 14:16-20; Roma 8:9-11).
 2. Sebenarnya, isi kandungan seluruh Wasiat Baru ialah Imanuel (Mat. 1:23; 18:20; 28:20; Wahi 21:3), dan semua percayawan dalam Kristus, sebagai anggota Kristus, ialah sebahagian daripada Imanuel agung ini, iaitu Kristus korporat (1 Kor. 12:12; Kol. 3:10-11).
- D. Imanuel praktikal ialah Roh realiti sebagai hadirat Tuhan Tritunggal yang terkonsumasi dalam roh kita; hadirat-Nya sentiasa bersama dengan kita dalam roh kita, bukan hanya hari demi hari, malah saat demi saat—Yoh. 1:14; 14:16-20; 1 Kor. 15:45b; 2 Tim. 4:22:
1. Dia bersama dengan kita dalam perhimpunan kita—Mat. 18:20.
 2. Dia bersama dengan kita setiap hari—28:20.
 3. Dia bersama dengan kita dalam roh kita—2 Tim. 4:22:
 - a. Hari ini roh kita ialah tanah Imanuel—Yes. 8:7-8.
 - b. Oleh sebab Tuhan ada bersama dengan kita, musuh langsung tidak dapat mengambil alih tanah Imanuel—ay. 10; bd. 1 Yoh. 5:4; Yoh. 3:6.
 4. Kita dapat menikmati hadirat Tuhan Tritunggal dalam perhimpunan untuk mengajar Sabda kudus-Nya—Mat. 18:20; 28:20; Mzm. 119:30; Kis. 6:4.
 5. Kita menikmati kurnia dan damai sejahtera menerusi Roh itu sebagai hadirat Tuhan Tritunggal—Gal. 6:18; Kis. 9:31.
 6. Pimpinan dan kesaksian Roh itu ialah hadirat-Nya—Roma 8:14, 16.
 7. Kita menikmati pendispenan Tuhan Tritunggal menerusi hadirat-Nya sebagai Roh itu—2 Kor. 13:14.

- E. Untuk hidup bersama dengan Kristus yang merupakan Imanuel, kita perlu berada dalam hadirat divin-Nya, iaitu Roh beri-hayat yang merupakan konsumsi Tuhan Tritunggal—Gal. 5:25:
1. Untuk hidup bersama dengan Kristus, kita masih hidup, namun bukan melalui diri kita secara bersendirian tetapi melalui Kristus hidup dalam kita dan bersama dengan kita sebagai Imanuel; Tuhan Tritunggal tidak dapat menyempurnakan hasrat-Nya untuk mendispenkan diri-Nya ke dalam kita di luar kita; oleh itu, hadirat-Nya bersama dengan kita semestinya bersifat dalaman—2:20.
 2. Imanuel ialah hayat dan persona kita, dan kita ialah organ-Nya, hidup bersama dengan-Nya seperti satu orang; kemenangan kita bergantung pada Imanuel, iaitu hadirat Yesus.
 3. Jika kita mempunyai hadirat Tuan, kita mempunyai kearifan, pandangan dalaman, pandangan jauh, dan pengetahuan dalaman berkenaan hal-hal; hadirat Tuan ialah segala-gala kepada kita—2 Kor. 2:10; 4:6-7; Gal. 5:25; Kej. 5:22-24; Ibr. 11:5-6.
- F. Jika kita ingin memasuki, menduduki, dan menikmati Kristus almuhit sebagai realiti tanah permai, kita harus berbuat demikian melalui hadirat Tuan; Tuan berjanji kepada Musa, “Hadirat-Ku akan pergi bersama dengan engkau, dan Aku akan memberi engkau rehat” (Kel. 33:14); hadirat Tuhan ialah jalan-Nya, “peta” yang menunjukkan kepada umat-Nya jalan yang harus diambil mereka:
1. Untuk kita mendapatkan dan memperoleh Kristus dengan sepenuhnya sebagai tanah yang serba merangkumi demi pembinaan Tuhan, kita harus berpegang pada prinsip bahawa hadirat Tuhan ialah kriteria bagi setiap perkara; tidak kira apa yang kita lakukan, kita harus memberi perhatian kepada sama ada kita mempunyai hadirat Tuhan atau tidak; jika kita mempunyai hadirat Tuhan, kita mempunyai segala-galanya, tetapi jika kita kehilangan hadirat Tuhan, kita kehilangan segala-galanya—Mat. 1:23; 2 Tim. 4:22; Gal. 6:18; Mzm. 27:4, 8; 51:11.
 2. Hadirat Tuan, senyuman Tuan, ialah prinsip kawalan; kita harus belajar agar kita dipelihara, diperintah, dikawal, dan dibimbing oleh hadirat Tuan yang secara terus dan langsung—27:8; 80:3, 7, 17-19.
 3. Sebagai wakil dalam aspek meraja bagi hayat yang matang, Yusuf menikmati hadirat Tuan, dan seiring dengan itu, dia menikmati autoriti, kemakmuran, dan berkat Tuan—Kej. 39:2-5, 21; Kis. 7:9.
 4. Musa seorang yang amat dekat dengan hati Tuhan dan menurut hati Tuhan; oleh itu, dia mempunyai hadirat Tuhan ke tahap penuh—Kel. 33:11.
 5. Dutus Paulus ialah seorang yang hidup dan bertindak dalam hadirat Kristus, menurut petunjuk keseluruhan diri-Nya, seperti yang diekspresikan di mata-Nya—2 Kor. 2:10.
 6. “Pada zaman muda, saya telah diajar pelbagai cara untuk menjadi jayeng, menang, kudus, dan rohani. Namun begitu, tidak ada satu pun daripada cara ini yang berkesan...Tidak ada apa-apa yang berkesan melainkan hadirat Tuan. Dia bersama dengan kita merupakan segala-galanya”—*Life-study of Joshua*, edisi kedua, m.s. 50.
- G. Seluruh Wasiat Baru ialah Imanuel, dan kini kita sebahagian daripada Imanuel agung ini yang akan berkonsumsi dalam Yerusalem Baru di langit baru dan bumi baru hingga keabadian; Wasiat Baru bermula dengan satu Tuhan-manusia, yang merupakan “Tuhan bersama dengan kita”, dan berakhir dengan satu Tuhan-manusia yang agung, Yerusalem Baru, yang merupakan “Yehova Hadir Di Situ”—Mat. 1:23; 1 Kor. 6:17; Kis. 9:4; 1 Tim. 3:15-16; Wahi 21:3, 22; Yeh. 48:35.